

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Joh. Jonstoni Thaumatographia Naturalis**

**Jonston, Jan**

**Amstelodami, 1661**

Caput IV

**urn:nbn:de:bsz:31-97032**

teribus pedum erat, viginti quinque dentibus armata, qui totidem foraminibus, in superiore dentibus omnino carente, excavatis, recondi poterant. Tot dentium longissimus sex pollices non excedebat. Qui non ita à multis annis ad Schevelingam, pagum Hægæ Comitatus adjacentem, captus erat, sexaginta pedum fuisse dicitur; Caput illius trium fere cubitorum longitudine, ipsi ibidem vidimus. Ad Balænarum genus *Ambara* spectare videtur. Si enim longitudinem ipsius spectes, viginti quinque æquat cubitos; si capitis duritiem, Saxum. *Leo African. l. 9. descr. Afric. Barbi* ova venenata esse Maji præsertim tempore *Platina* observavit. *Antonius Gazius* expertus est. Nam postquam duos duntaxat de illis bolos comedisset, cœnæ tempore talem ventris sensit inflationem, ut facies synopticæ similis appareret, inæqualis in unaquaque carnis parte sentiretur intemperies, cholericæ tandem accideret passio. Nec citius evanescere symptomata, quam ova supra & infra purgarentur.

## CAPUT IV.

DE CYPRINO, CLUPÆA,  
CONGRO, & CHAOISAROU.

**C***yprios* lapillum in capite juxta linguam habere candidum & durum, tradit *Gesnerus*, inque capitis medio substantiam cordis figura crassam, dum recens est flexilem postea duram, repositam gestare. Viginti librarum pondus invenitur interdum, ducentorum in Latio amne repertum, retulit *Jovius*. Cum foemina gravidam se sentit, pariendi allapso tempore, motu oris masculum excitat, qui lac spargit, sparsò parit ipsa. In Polonia Cyprini lati in piscinam repositi à quodam, glacie obductis aquis quamvis diligentissime quæsi, inveniri non potuerunt: vere apparente dissolutis, apparuere omnes. *Gesnerus. Clupæa* magnus est piscis, in Arari Gallæ flumine. Crescente Luna albicat, decrecente nigrescit: aucto vel minimum cor-